



Republika e Kosovës / Republic of Kosovo
Komuna - Municipality
Hani i Elezit



01/Nr.9014/2023
Data:20.10.2023

PROCESVERBAL I KUVENDIT TË KOMUNËS

Procesverbali nga mbledhja e nëntë -IX- e Kuvendit të Komunës, mbajtur me datë 28.09.2023 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Natyra Kalisi** (Drejtoresh e Administratës), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtor për Urbanizëm Kadastër dhe Mbrojtje të Mjedisit), **Lindita Ballazhi** (Drejtoresh për Buxhet dhe Financa), **Hisni Luri** (Drejtor për Arsim, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), **Abduraman Bushi** (Drejtor për Bujqësi, Pylltari dhe Zhvillim Rural), **Majlinda Kaloshi** (Drejtoresh për Zhvillim Ekonomik), **Sara Berisha** (Asistente e Kryesuesit të Kuvendit të Komunës), **Rezart Mehmedi** (Përfaqësues i OSB-së), **Bashkim Sopa** (Zyrtarë për Informim). Kryesuesi pasi konstatoi prezencën e anëtarëve të kuvendit, konstatoi se nuk mungon asnjë anëtarë i Kuvendit të Komunës. Para se të fillojmë me procedimin e pikave të rendit të punës kërkoj që të mbajmë një minutë heshtje për nder të rënies së Policit të Kosovës në Mitrovicë. Lavdi.

RENDI I PUNËS

1. Miratimi i procesverbalit nga mbledhja e kaluar.
2. Buxheti i komunës për vitin 2024 dhe parashikimet buxhetore për vitin 2025-2026.
3. Rregullore për taksa komunale për vitin 2024.
4. Plani i punës së kuvendit të komunës për vitin 2024.
5. Informatë mbi fillimin e vitit të ri shkollor 2023/2024.
6. Hartimi i Strategjisë për Zhvillim Ekonomik 2023/2027.
7. Të ndryshme.

Kryesuesi thekson:- për pikat e rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA RENDI I PUNËS

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Buxheti i komunës për vitin 2024 dhe parashikimet buxhetore për vitin 2025-2026.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- buxheti i komunës së Hanit të Elezit është një plan fiskal që përcakton të hyrat dhe shpenzimet e parashikuara për të udhëhequr shërbimet dhe politikën që zbatohen gjatë vitit fiskal 2024. Ai përcakton bazat për ato që do të jenë qëllimet dhe arritjet e Komunitetit tonë. Për të zbatuar prioritetet e mësipërme buxheti për vitin fiskal 2024 ka përfshirë gamën e plotë të operacioneve dhe programeve komunale të cilat janë shënuar më poshtmet: Zyra e Kryetarit, Administrata dhe Personeli, Zyra e Kuvendit Komunal, Buxheti dhe Financat, Shërbimet Publike, Emergjencë dhe Mbrojtje Civile, Zyra për Komunitete dhe Kthim, Bujqësia Pylltari dhe Zhvillimi Rural, Zhvillimi Ekonomik dhe Turizmi, Planifikimi Urban dhe Inspeksioni, Shëndetësia dhe Mirëqenia Sociale, arsimi dhe Shkenca, Kultura dhe Sporti. Në buxhet janë të planifikuara edhe inkasimi i të hyrave vetanake. Buxheti për vitin 2024 është në shumë prej 3,349,278.00 €. Në kategorinë paga dhe shtesa janë planifikuar 2,075,272.00 €, në kategorinë mallra dhe shërbime janë planifikuar 524,500.00 €, në kategorinë shpenzime komunale janë planifikuar 93,500.00 €, në kategorinë subvencione dhe transfere janë planifikuar 113,000.00 €, në kategorinë e shpenzimeve kapitale janë planifikuar 543,006.00 €. Në material e keni të planifikuar planin e ndarjeve buxhetore nëpër kategoritë buxhetore dhe financimin e investimeve kapitale komunale.

Zaim Bela thekson:-sa i përket buxhetit do të votoj kundër sepse nuk kam parë ndonjë projekt për shkak se ne e dimë që të hyrat kapitale janë shumë të vogla dhe nuk është përmbushur as 90 % e kërkesave të qytetarëve. Sikur të kish qenë që të hyrat kapitale me u destinuar për ujë të pishëm diku 50 % do ta kisha votuar. Parqet që janë ndërtuar janë të mira por nevoja e qytetarëve për ujë të pishëm është më e madhe sepse ndonjë kërkesë tjetër për rrugë apo për kanalizim.

Resul Suma thekson:- si grup parlamentarë kemi vërejtjet tona sa i përket planifikimeve buxhetore por i kemi edhe disa propozime të cilat kemi me i propozuar për votim. Debat publikë për çështje të buxhetit për qytetarët e Komunës së Hanit të Elezit nuk ka pasur. Është e vërtetë ajo që potencoj z.Zaim Bela që shumica e kërkesave të qytetarëve prej dëgjimeve publike nuk janë përfill. Nëse nuk votohen propozimet të cilat do t'i propozon grupi parlamentarë i PDK-së ky buxhet nuk kalon. Jemi të gatshëm me i bartur edhe pasojat si anëtarë të kuvendit nëse nuk kalon buxheti. Unë do t'i paraqes propozimet një nga një dhe kërkohet që të hedhen në votim. Propozoj që në planifikimet buxhetore për vitin 2024 të hynë Asfaltimi i rrugës Nehat Curri. Propozoj që në planifikimet buxhetore për vitin 2024 të hynë Ndërtimi i rrugës nën breg në fshatin Seçishtë. Ndërtimi i rezervarit të ujit në fshatin Seçishtë në vendin e quajtur Sarasell propozoj që të hynë vetëm si kod buxhetor sepse kemi premtime prej kompanisë "Sharrcem" dhe ka filluar me bërë fizibilitetin. Zgjerimi i rrugës "Adem Jashari" 11 Qershori është projekt që ka filluar prej Ministrisë por ka nevojë edhe për disa fonde shtesë propozoj që të hynë si projekt. Shtrimi me kupëza betoni i rrugës të Varrezat e lagjes Meliq propozoj që të specifikohet. Asfaltimi i rrugës Hani i Elezit –Dimcë është rrugë e re që i nevojitet fshatit për shkak të rrezikshmërisë dhe propozojmë që ky projekt të hynë në vitin 2025. Ndërtimi i rrugës në vendin e quajtur Vorba në fshatin Seçishtë mundet me hyjë te kodi ekonomik rihapja, zgjerimi i rrugëve, asfaltimi i rrugëve në fshatrat Paldenicë, Seçishtë, Dimcë, Pustenik, Gorancë, Rezhancë dhe Krivenikë por kjo duhet të specifikohet.

Refet Kalisi thekson:- duhet t'i ipet prioritet rrugës në vendin e quajtur Vorba.

Kryesuesi thekson:-propozimet që do të parashirohen nga anëtarët e kuvendit do t'i hedh në votim një nga një për hyrë të procedurës. Propozimin që në planifikimet buxhetore për vitin 2024 të hynë Asfaltimi i rrugës Nehat Curri e hedh në votim; rezultati i votimit ishte njëzëri. Propozimin që në planifikimet buxhetore për vitin 2024 të hynë Ndërtimi i rrugës nën breg në fshatin Seçishtë, e hedh në votim; rezultati i votimit ishte njëzëri. Propozimin për Ndërtimin e rezervarit të ujit në fshatin Seçishtë në vendin e quajtur Sarasell që të hyjë vetëm si kod buxhetor e hedh në votim; rezultati i votimit ishte njëzëri. Propozimin për Zgjerimin i Rrugës "Adem Jashari" 11 Qershori e hedh në votim; rezultati i votimit ishte 14 për 1 kundër 1 abstenim. Propozimin që në planifikimet buxhetore për vitin 2025 të hynë Asfaltimi i rrugës Hani i Elezit –Dimcë, e hedh në votim; rezultati i votimit ishte njëzëri.

Sherif Berisha thekson:-ndërtimi i krojeve ku është paraparë me u ndërtuar dhe po ashtu kërkoj që nga ky kod të hiqen fshatrat Dimcë, Paldenicë sepse rregullimi i krojeve për këta dy fshatra është bërë. Ndrërimi në të gjitha fshatrat e Hanit të Elezit të gjithë e dimë që ka përfunduar dhe është mirë të bëhet mirëmbajtja e ndrërimin publik nëpër fshatra. Cilat rrugë do të riparohen sepse gjitha e dimë që gjitha fshatrat janë të asfaltuara dhe është mirë që të specifikohen se në cilat fshatra do të riparohen këto rrugë . Ku është lokacioni për mbetje të ngurta dhe nga kush do të mirëmbahet dhe a mendoni që planifikimi prej pesëmbëdhjetë mijë euro a janë të mjaftueshme për përfundimin e këtij projekti. Për cilin ujë bëhet fjalë dhe pse është përfshirë lagjja e re, por pse nuk fokusoheni në zgjedhjen e problemit të ujit në qendër kur e çimë që nuk ka ujë dhe a mendoni që vlera e ndarë prej 23000 € është e duhur . Te projekti me numër njëmbëdhjetë për çka bëhet fjalë. Duke e ditur rëndësinë e rrugës Krivenik - Gorancë dhe duke ditur koston e kësaj rruge që është milionëshe dhe planifikimi nga ana e juaj është në shumë prej 5000 € . Nga gjitha fshatrat për të cilat kemi njohuri vetëm fshati Krivenik dhe Pustenik nuk e kanë të rregulluar çështjen e kanalizimit dhe pse kjo vlerë kaq e lartë për këtë projekt. Ndërtimi i mureve mbrojtëse për ku bëhet fjalë. Projekti për shpronësim nga është marr ky planifikim sepse për procedura të shpronësimit vlerësimi bëhet nga komisioni dhe a është vlerësuar me komision ky planifikim në vlerë prej 80 000 €. Të gjithë e dimë që Hani i Elezit është vend malorë dhe nuk na duhet hapësirë gjelbëruese apo parku në fshatin Paldenicë bash në këtë fazë. Ndërtimi i aneksit të Urës së fshatit Seçisht të gjithë e dimë që ka përfunduar. Në cilat vende planifikoni vendosjen e këndit të lojërave. Kërkoj sqarim sa i përket objektit të shkollës kur dihet që prona është private. Edhe pse është rrit buxheti në sektorin e shëndetësisë pushteti aktual sipas Lëvizjes Vetë Vendosi nuk po dinë ta planifikon këtë buxhet dhe ky sektor është bajagi senzitiv. Në drejtori të shëndetësi është mungesa e mjekëve të përgjithshëm, mungesa e dokumentacionit të nevojshëm shëndetësorë, mungesa e konsultave specialistike , internistë , pediatër , kardiolog , mungesa e terapive esenciale , mungesa e vizitave shtëpiake, mungesa e mjekut në AMF-në në fshatin Gorancë , mungesa e aparateve të cilat asnjë nga këto nuk po i bënë përshtypje me i paraparë në buxhet . Kërkoj nga drejtoria për financa që të më informoi se sa procedura përmbartimi keni në proces në sektorin e arsimit , të shëndetësisë, të administratës për shujta, për kualifikimet dhe inflacionit. Në emër të Lëvizjes Vetë Vendosi do t'i prezantoj projektet dhe kërkoj nga asamblistët të përkrahen këto projekte. Vendosija e ekranit të rezultateve të ndotjes së ajrit në qendër të Hanit të Elezit . Subvencionimin e lindjes që aktualisht është 100 € të rritet në vlerë 200 € . Subvencionimin e organizatave të dalura nga lufta . Vendosija e pajisjes digjitale Ekioska për nxjerrjen e dokumenteve të gjendjes civile . Blerjen e disa shtëpizave nga druri që të vendosen për shitjen e produkteve vendore. Kërkoj që të hynë rruga Bajpasi në fshatin Gorancë për vitin 2024. Pishina në fshatin Gorancë ka filluar me u rregulluar nga një person privat dhe kërkoj që të hynë si projekt. Kërkoj që të ndahet buxhet për mirëmbajtjen e parkut. Kërkoj që objektin e komunës me pasur qasje për persona me aftësi të kufizuara. Si lëvizje Vetëvendosje kërkoj që këto projekte të hyjnë në planifikimet buxhetore dhe nëse nuk përfshihen këto projekte në planifikimet buxhetore nuk do ta votojmë buxhetin. Si lëvizje Vetëvendosje rekomandojmë që 70 % e projekteve të hiqen dhe mjetet financiare të dedikohen për ujë.

Nexhmedin Daci thekson:- ndërtimi i krojeve do të prolongohet për vitin 2025 për shkak të propozimeve të cilat i miratuar sa i përket emërtimit më herët e ka marr atë kodë dhe në fshatrat që janë rregulluar krojet nuk kemi qasje me ndërtuar. Sa i përket projektit të riparimit të rrugëve është projekt standard që gjatë vitit do të rregullohen rrugët që bëhen gropa. Depoja e mbetjeve të ngurta lokacioni është paraparë në vendin e quajtur Zheden . Ndërtimi i depos për mbetjet e ngurta e kemi obligim ligjorë me bërë dhe janë ndarë mjete aq sa kemi mundësi. Projekti i rrugës Gorancë-Krivenik është projekt mbi një milionë euro është dërguar në Ministri përkatëse dhe ndoshta ka mundësi me miratuar apo përmes donatorëve me mundur me rregulluar , do të thotë se është projekt që duhet të kryhet por me mundësit tona buxhetore nuk mundemi me kryer. Projekti i kanalizimeve emërtimi është standard sepse me vite është ky emërtim dhe shuma prej 50 000 € është për rregullimin e kanalizimit për fshatin Pustenik . Projekti i mureve mbrojtëse është i paraparë të shkolla e mesme. Sa i përket shpronësimeve e kemi dorëzuar elaboratin e shpenzimeve për parcelën e fabrika e ujit, të fushës së futbollit për shkak se pronat janë të AKP-së dhe nëse Qeveria e miraton kërkesën tonë në bazë të Ligjit 80 % të vlerës e kryen Qeveria , po ashtu e kemi edhe hapësirën e cila është në emër të z.Refik Luri është e paraparë për vitin e ardhshëm , ndërsa sa i përket shumës i kemi ndarë mjetet dhe në momentin që merret vendim për shpronësim të parcelave komisioni nga Ministria e Financave e përcakton çmimin. Projekti i parku në fshatin Paldenicë nuk do të realizohet në vitin e ardhshëm por prolongohet për vitin 2025. Aneksi i

Urës së Seçishtës është kryer por është kërkesë e banorëve që edhe në anën tjetër me u bërë aneks por edhe ky projekt do të prolongohet për vitin 2025 por në vitin e ardhshëm do të bëhen testimet se a ka mundësi edhe kësaj ane me u bërë shtesë. Te ndërtimi i këndeve të lojërave punimet janë duke u zhvilluar në Gorancë dhe ky projekt për vitin e ardhshëm do të prolongohet për vitin 2025. Për vendosjen e ekranit të ndotjes jemi takuar me drejtorin e shkollës fillore së bashku me përfaqësuesit e Ministrisë dhe kanë pranuar që stacionin me transferuar por ende nuk na u kanë paraqitur përfaqësuesit e Ministrisë. Vendosjen e Ekioskës e kemi pasur si projekt por mirëmbajtja është e shtrenjtë dhe nuk kemi probleme për shërbime. Çështja e vendosjes së shtëpizave është ide e mirë por nuk është projekt kapital por prej mallrave dhe shërbimeve mundet mu bërë. Sa i përket mirëmbajtjes së parkut kemi biseduar me kompaninë Pastrimi për këtë çështje dhe nuk është projekt kapital.

Mehmet Ballazhi thekson:- te ndërtimi i shkollës është iniciativë dhe është krijuar fondi që edhe ju e keni mbështetur këtë fond dhe keni dhënë mjete financiare por ne po planifikojmë sepse në fushën arsimit kemi objektiva të qarta që me pasur cilësi të arsimit në mënyrë që me avancuar arsimin dhe pas kësaj vjen arsimi gjithë ditore për shkak se është cilësorë. Do të shikohen mundësitë buxhetore që në vitet në vijim me bërë digjitalizimin në të gjitha klasët. Ju e dini që kemi kërkesa të mëdha të çerdhes, kemi kërkesa të fushave sportive. Te ndërtimi i shkollës nuk ka asgjë individuale dhe e dimë që nuk mundemi me realizuar me këtë buxhet por edhe projektet të cilat i planifikuar nuk e dimë a do të realizohen me këtë buxhet por do të mundohemi përmes donacioneve dhe prej mbështetjes prej Qeverisë. Kjo shkollë është e domosdoshme dhe jemi në proces të blerjes së parcelës që pjesa e parë është kryer dhe në këtë vit e kemi pjesën e dytë. Takim kemi pasur me Ministren e Arsimit e kemi diskutuar dhe e kemi sqaruar por është e mendimit për me u ndërtuar por duhet të kemi parcelë për ndërtimin e shkollës. U potencua që 70 % e projekteve por unë them që njëqind për qind por merreni bëni llogarinë sepse nëse thuhet një rrugë Bajpas në fshatin Gorancë duhet ta dimë sa kushton, rruga Gorancë – Krivenik, pishinën që u potencuar duhet t'i analizojmë se sa na kushtojnë këto projekte dhe për mos me i përsëritur të gjitha a kemi llogari se sa mjete nevojiten për me i realizuar këto. Nga viti 2013 është një studim i fizibilitetit që është paguar dhe për menaxhim por në javë e kaluar e kemi gjetur me një fjalë diku që s'është bërë asnjë herë. Fshati Gorancë është kryer sa i përket çështjes së ujit, fabrikën e ujit e kemi funksionalizuar e kemi shtijë në proces të punimeve dhe asnjë hap nuk e keni bërë rreth funksionalizimit të fabrikës por jemi të shqetësuar për këtë çështje. Jemi në proces të vendosjes së ujë matësve dhe keqpërdorimeve të ujit që janë bërë. Unë potencova veprimin më të sigurtë veproni në bazë të projekteve duke u bazuar në buxhetin të cilin e kemi sepse dëshirat e mia janë më të mëdha se të juajat. Potencuat ashensorin në komunë por është ndër projektet e para që e kemi hartuar ashensorin në komunë dhe nuk kemi mjete financiare. Te çështja e OJQ-ve kur bëhet shpallja për subvencionimin e OJQ-ve del e njëjta për të gjithë, nëse ka dikush ndonjë vërejtje për ndonjë shkelje që është bërë mundet mu paraqitë por thirrja është e njëjtë për OJQ-të sepse kriteret i ka miratuar kuvendi dhe në bazë të kriterëve ata që i kanë plotësuar kriteret i kemi ndarë.

Zaim Bela thekson:- pozita e paska rregulluar punën, numrat i keni por propozimet që i propozuan dhe mundën me i votuar. Përfaqësues nga fshati Paldenicë kemi dhe asnjë projekt nuk e pash në planifikimet buxhetore për pos parkut që ke dhe prolongua për vitin 2025. Nuk pajtohem me atë që thuhet rruga për në vendin e quajtur Vorba kana me rëndësi, nuk kana me rëndësi rruga që e lidh fshatin Paldenicë që kërkohet në vend kalim dhe problem me pronën nuk ka. A nuk është me rëndësi rruga me u ndërtuar në fshatin Vortomicë për shkak se një varrim po bëhet po ka vështirësi. Kërkesë ka pasur lagjja Thaç që kanalizimit e Paldeincës me u ndërtuar e mos me rënë në ato bunar që shfrytëzohen për ujë të pijes. Është mirë me u ndërtuar rrugët me prioritet ku jetojnë banorët.

Kryesuesi thekson:-nuk është mirë që të potencohet se i keni numrat sepse edhe unë kam qenë në opozitë dhe këtë fjalë nuk e kam potencuar. Propozimet e z.Sherif Berisha i hedh në votim; rezultati i votimit ishte 6 për, 8 kundër do të thotë që nuk kalojnë propozimet.

Refet Kalisi thekson:- kërkesë kam që të varrezat e qytetit nuk kemi bërë asgjë dhe duhet të ndajmë mjete për me i rregulluar.

Ajnure Thaçi thekson:-faqe trembëdhjetë te pika njëmbëdhjetë mjetet e lira për bashkë investime keni shënuar 65 000 € . Te pika katëmbëdhjetë rregullimi i kanalizimeve në Han të Elezit besoj që është një gabim teknik dhe duhet të rregullohen shifrat në total, rregullimi i prrockave dhe kanalizimeve në fshatrat Paldenicë, Rezhancë, Seçishtë mendoj që është gabim shira të cilën e keni shënuar në total. Pika njëzet e një shtrimi me kupëza betoni edhe këtu në shifrën totale është shënuar gabim. Ndërtimi dhe asfaltimi i rrugëve në fshatra shifrën totale është shënuar gabim. Është mirë që të analizohen këto shifra dhe të përmirësohen.

Nexhmedin Daci thekson:- i propozoj Kuvendit të Komunës që nga lista e projekteve ekzistuese kapitale të prolongohen për realizim këto projekte. Rregullimi i krojeve publike në Han të Elezit në fshatrat Dërmjak, Dimcë , Paldenicë, Pusteni dhe Rezhancë në shumë 10000, ndërtimi i parkut në fshatin Paldenicë në shumë prej 20 000 , ndërtimi dhe rregullimi i këndeve të lojërave në Han të Elezit dhe fshatrat Gorancë, Seçishtë Paldenicë në shumë prej 13500 , ndërtimi i aneksit për këmbësorë te Ura e Seçishtës në shumë prej 25000. Kërkoj që këto projekte kapitale të pronlogohen për vitin 2025 dhe shuma e mjeteve të shpërndahet në projektet që u miratuan.

Kryesuesi thekson:- a keni edhe ndonjë diskutim për këtë pikë të rendit të punës, nëse ruk ka e hedh në votim; rezultati i votimit ishte 11 për 4 kundër.

U MIRATU BUXHETI I KOMUNËS PËR VITIN 2024 DHE PARASHIKIMET BUXHETORE PËR VITIN 2025-2026

3. Rregullore për taksa komunale për vitin 2024.

Kryesuesi thekson:- për këtë pikë të rendit të punës hapi diskutimin.

Majlinda Kaloshi thekson:- pas procedurave administrative rregullorja i është nënshtruar debatit publik dhe nuk ka pasur ndonjë propozim përveç propozimeve të cilat i kemi përcjellë në seancën e kaluar.

Zaim Bela thekson:- nga rregullorja e më hershme a ka pasur ndryshme apo janë të njëjtat. Te kadastru certifikata e pronë deri në dhjetë faqe është katër euro dhe mbi dhjetë faqe njëzet euro, kërkoj sqarim. Te drejtoria e arsimit është shënuar taksa njëqind euro për regjistrimin e vitit shkollorë.

Nexhmedin Daci thekson:- sa i përket kadastrit këto tarifa nuk i përcaktojmë na por agjensioni i kadastral dhe na punojmë në bazë të çmimorës së tyre.

Hisni Luri thekson:- arsimi për të rritur nënkupton për ata të cilët nuk kanë mundur me marr certifikata dhe të cilët duhet me vijuar mësimin duhet më bërë pagesë për me kryer shkollën e mesëm.

Kryesuesi thekson:- a keni edhe ndonjë diskutim për këtë pikë të rendit të punës, nëse ruk ka e hedh në votim; rezultati i votimit ishte 13 për 1 abstenim.

U MIRATU RREGULLORJA PËR TAKSA KOMUNALE PËR VITIN 2024

4. Plani i punës së kuvendit të komunës për vitin 2024.

Kryesuesi thekson:- për këtë pikë të rendit të punës hapi diskutimin.

Kryesuesi thekson:- a keni edhe ndonjë diskutim për këtë pikë të rendit të punës, nëse ruk ka e hedh në votim; rezultati i votimit ishte njëzëri.

U MIRATUA PLANI I PUNËS SË KUVENDIT TË KOMUNËS PËR VITIN 2024

5. Informatë mbi fillimin e vitit të ri shkollor 2023/2024.

Kryesuesi thekson:- për këtë pikë të rendit të punës hapi diskutimin.

Hisni Luri thekson:- në informatë janë shënuar të gjitha të dhënat në detaje dhe nëse keni ndonjë vërejtje apo sugjerim mund të parashtroni.

Zaim Bela thekson:- me një raport shënon se 157 nxënës janë në minus ndërsa e ke shënuar vetëm 82 nxënës.

Hisni Luri thekson:- do ta shikoj se ndoshta mund të jetë gabim teknik.

Refet Kalisi thekson:- teknologjia po shkon përpara por fëmijët shumë dobët dhe po më brengosë sepse unë flas për fëmijën tim dhe për këtë arsimtarët dhe profesorët nuk janë fajtorë por në klasë të ulët duhet me ju përkushtuar shumë sepse nëse e merr bazën prej fillimit shkon përpara.

Hisni Luri thekson:- sa i përket niveli ulët e kemi pas raportin dhe nota ka qenë katër që çdo të thotë nuk është e ulët por teknologjia është krijuar me i bashkuar personat por kur keqpërdoret mund t'i largon ata persona por ideja është mos me u kthyer mbrapa dhe për këtë arsye kemi planifikuar trajnime për mësime dhe për ciklin e ulët që me ofruar mësime më atraktive.

Refet Kalisi thekson:- është mirë me ua ndaluar telefonat nxënësve gjatë orarit mësimorë.

Hisni Luri thekson:- është e ndaluar me udhëzim administrativ dhe i kam raportet e drejtorëve të cilët e kanë komisionin për këtë çështje.

Hyriete Isufi thekson:- është mirë me bërë një ormanë që gjatë mëimit me i lënë telefonat sepse shumica e nxënësve janë të cilët i kanë prind në punë dhe nuk mundën me pasur kontakte në mes vete. Ka pasur raste që ua kemi marr dhe një javë nuk u kemi dhënë telefonat por përsëri e kanë vazhduar

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

6. Hartimi i Strategjisë për Zhvillim Ekonomik 2023/2027.

Kryesuesi thekson:- për këtë pikë të rendit të punës hapi diskutimin.

Majlinda Kaloshi thekson:- është një dokument lokal që e përcakton zhvillimin lokal, objektivat e së ardhmes dhe proceset e zhvillimit të projekteve gjithmonë duke u bazuar për një zhvillim afat gjatë për një periudhë të caktuar. Së bashku me shkresën ua kemi përcjell vendimin për grupin punues në përbërje në të cilin janë të përfshirë të gjitha palët e interesit duke u bazuar në udhëzimet administrative për hartimin e dokumenteve strategjike dhe janë përfshirë të gjitha grupet e interesit.

Resul Suma thekson:- a skish pas mundësi në këtë grup punues përveç drejtorëve të komunës dhe zyrtarëve të komunës me u përfshirë dikush edhe prej asamblesë komunale ose shefat e grupeve ose anëtarët e KPF-së. Është pak e pa arsyeshme dhe e pa logjikshme që formohet komisioni për hartimin e strategjisë për zhvillim ekonomik pa asambleista dhe nuk e di se kush ka me votuar këtë pikë të rendit të punës dhe shohë si të pa arsyeshme me votuar këtë pikë të rendit të punës.

Majlinda Kaloshi thekson:- sipas udhëzimit administrativ të gjitha palët e interesit duhet me qenë gjithë përfshirëse. Kuvendi i Komunës e ka miratuar listën për me u themeluar Komiteti për Zhvillim Ekonomik i cili sipas përgjegjëseve të planit të punës ka për qëllim ndihmesën dhe me qenë pjesë e këtyre grupeve punuese. Jemi konsultuar me Ministrinë përkatëse dhe kanë potencuar që kryesuesja e këtij komiteti mund të jetë edhe anëtare e komisionit. Dokumenti do të jetë në shqyrtim publik një muaj dhe keni mundësi me dhënë vërejtje dhe sugjerime të ndryshme.

Refet Kalisi thekson:- pajtohem me z. Resul Suma se a është e pa drejtë me qenë edhe shefat e grupeve parlamentare.

Majlinda Kaloshi thekson:- grupi punues nuk është i përbërë vetëm prej drejtorëve dhe ekzekutivit por ka përbërje edhe agjensione regjionale të cilat janë dhe persona të cilët janë adekuatë për hartimin e strategjive të ndryshme. Nuk është e kundërligjshme që me marr pjesë asamblastët në grupin punues por për shkak të numrit të madh prej pesëmbëdhjetë personave dhe ka qenë sfidë për me i mbledhur në takim . Jemi konsultuar me qendrën dhe pasi që Komitetit për Zhvillim Ekonomik është i themeluar prej Kuvendit të Komunës për anëtarë të grupit punues e kemi propozuar kryesuesen e këtij komiteti.

Kryesuesi thekson:-ke menduar që me na përfaqësuar përmes grupeve të tjera por ka më të rëndësishëm dhe nuk jam kundër askujt, as kundër drejtorëve nuk jam por nuk ka qenë patjetër të gjithë drejtorët me qenë në grup punues dhe nëse duhet me qenë drejtorët atëherë duhet të jemi edhe ne sepse nuk ka kuptim që na me u përfshirë me komitetin konsultativ dhe nuk është turp me potencuar që kemi harruar . Unë mendoj që shefat e grupeve parlamentare duhet të përfshihen në këtë komision.

Mehmet Ballazhi thekson:- nuk është problem numri i pjesëmarrësve ju mund ta shtoni numrin dhe ndoshta do të ishte një ndihmë më e madhe nëse do të ishte numri më shumë dhe nga ky moment mund të propozoni për anëtarë të komisionit edhe njëzet persona sepse sa më shumë faktorë pjesëmarrës në hartimin e strategjisë zhvillimore është më mirë për të gjithë. Ata të cilët i propozoni është mirë me marr pjesë dhe me dhënë kontributin e tyre për hartimin e kësaj strategjie.

Hyriete Isufi thekson:- e përkrah shefin e grupit parlamentar të PDK-së që të përfshihet së paku nga një përfaqësues prej subjekteve politike.

Sherif Berisha thekson:- e përkrah shefin e grupit parlamentar të PDK-së që është dashur të përfshihen në komision përfaqësuesit edhe prej Kuvendit të Komunës.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte 13 kundër, 1 abstenim.

7.Të ndryshme.

Kryesuesi thekson:- për këtë pikë të rendit të punës hapi diskutimin.

Refet Kalisi thekson:- mbikalimi te hekurudha është i ndriçuar por nuk ka drita dhe duhet të rregullohet. Kur fillon pagesa e ujit duhet ta dinë qytetarët.

Zaim Bela thekson:- nga drejtorja e financave me u bërë një listë për punëtorët të cilët punojnë në Institucione Publike dhe kanë borxhe në tatim në pronë me u bërë lista publike nëse lejohet . Për mbledhje të radhës me një dërguar.

Arsim Dernjani thekson:- me përfaqësuesit e kompanisë “Bifurkacioni” e kemi diskutuar këtë çështje dhe në momentin që do të vendosen orët në Han të Elezit gjithçka do të fillon prej zeros.

Lindita Ballazhi thekson:- do ta shqyrtojmë se a ka bazë ligjore se sa ka të drejtë dikush ta dijë për një qytetarë se sa ka borxh në tatim në pronë .

Xhevahir Dernjani thekson:- projekti te shkollë është pasqyrë për të gjithë ata që kalojnë aty por vazhdon për vitin 2025 dhe është mirë me u bërë sepse është pasqyrë më shumë për shkollën. Prej qendrës tregtare ETC e deri te varrezat e Lokëve është mirë me u mbjell drunj dekorativë . Për rrugën e fshatit Paldenicë duhet që të hartohet një projekt sepse lidhet pjesa e Vërtomicës si fshat.

Resul Suma thekson:- qeveria ka shpallur konkurs për pranimin e regjistrimit të popullsisë dhe cili zyrtarë ka me qenë në komunë për me ju ndihmuar atyre për me aplikuar dhe a është kusht që patjetër me qenë i pa punë.

Erblin Meliqi thekson:- është vendosur pasqyra rrugore dhe është mirë me rregulluar më mirë. Banorët e lagjes Brava kanë kërkuar shtrimin e ndriçimit publikë edhe me një pjesë po ashtu probleme kanë edhe me shtyllat elektrike.

Sherif Berisha thekson:- përgjigjet që i kam kërkuar nuk i kam pranuar dhe kanë kaluar të gjitha afatet por nuk e di pse nuk i kanë dërguar.

Hyrijete Isufi thekson:- ku ka mbërri çështja e testimit të ujit.

Arsim Dernjani thekson:-do të rregullohet çështja e pasqyrave. Kompania është në teren duke i kryer punimet dhe vendosja e puseta po ju merr kohë.

Natyrja Kalisi thekson:-prej komunës sonë do të jenë 18 regjistruar dhe katër mbikëqyrës . Aplikimi është i hapur dhe janë dy forma të aplikimit onllajn dhe fizikë. Komisioni është themeluar ashtu siç e ka kërkuar Qeveria.

Refet Kalisi thekson:- sa biznese e kanë kryer pagesën dhe sa prej tyre i kanë borxh komunës që nuk e kanë kryer pagesën.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 13:43.

Procesmbajtësi
Ayta Bushi

